

## **Амир Гъази «Урк1ила макъамти»**



Мугіялим: Мусалаева М.М.

2017-2018.

## **Даргала литературала абхьибси дарс 9 «а» кл.**

**Дарсла тема: Амир Гъази «Урк1ила макъамти».**

**Дарсла мурад:** А. Гъазила творчествола мяг1ни дурх1нази мурхъли аргъахъни; илала произведениебачи диги ак1ахъни; дурх1нала мух1лила гъай г1аладях1 ардукни.

**Бяркъла мурад:** Ват1айчи, вез1ла мезличичи ва поэтла творчестволичичи диги ак1ахъни; царх1илти миллатунала адамтачи х1урмат ва бархбас руркъни.

**Дарсла жура:** сагаси дарс иргъахъни

**Дурсрала ургабси бархбас:** географияличил.

**Чебаъла г1яг1ниахъала:** авторла сурат, проектор, компьютер, презентация, кроссворд.

### **Дарсла башри**

**Дарс бех1бихъни, илала тема ва мурад аргъахъни.**

#### **1.Оргмомент.**

- Салам, ах1ерти дурх1ни! Х1урматла г1ях1ли!

Ишбарх1ила даргала литературала дарс нуни кабирхъуси саби.

Наб бик1ар Мусалаева Мариям Мусалаевна. Дагъиста Пачалихъла Педагогический Университет белч1и, даргала дурсри идикуси муг1ялимли рузулра Лавашала районна МКОУ «Левашинская гимназия»

**(Слайд 1)**

Нушала дарсла тема саби Амир Гъази «Урк1ила макъамти» сонетуни.

**Дарсла тема:** А. Гъази «Урк1ила макъамти»

**Дарсла мурад:** Амир Гъазила творчествола мяг1на мурхъли аргъахъни; илала произведениебачи диги ак1ахъни; «Урк1ила макъамти» сонетунала анализ барни. **Слайд 2.**

**Учитель:** Сагаси дарсличила гъайдик1ес гъалар, дурх1ни, гъандиркахъех1е, ардякъунти дурсрачир делч1унти.

### **Фронтальный опрос.**

#### **1. Иш бут1а касибси произведение.**

Лугули саби ванзали

Къац1 нушази ма или,

Маргълизир дузух1ели,

Чях1дик1ули майали. (Х1ябиб Г1ялиев «Къац1личила бурала») **Слайд 3**

#### **2. Гъазим – Бег Бях1яндовла «Гъаршла далай» поэма чис багъишлабарибси?**

(Хъубзарлис)

#### **3. К1унт1рала мерличиб сегъуна дев биэс г1яг1ниси?**

Хъябхъя карки.

.....

Хъуличила ц1умик1и.

Дургъби думжи.

.....

Хъуличила ц1умик1и. (хъубзара)

#### **4. Гъ. Бях1яндовла «Гъаршла далай», Х1. Г1ялиевла «Къац1личила бурала» произведениебала жура. (поэма) Слайд 4.**

### **II. Сагаси дарс иргъахъни.**

**Учитель:** – Х1ушани аргъили дургудая, нуша ишбарх1и чичила гъайдик1ех1ел.

– Балулраяв иш суратлизивси чи саял? (Амир Гъази) **Слайд 4.**

#### **Учительла ихтилат**

Дарсла тема х1ясибли гъала – гъала гъайдик1ех1е А. Гъазила биографияличила.

Амир Гъази –пагъмукар поэт, писатель ва тилмаж Гъазимях1яммадов Амир Ражабовичла псевдоним саби.

**Учитель:** Ил ак1убси сай 1940 ибил дусла январьла 5-личив Дахадаевла районна Зубанчила шилизив хъубзарла хъалибарглизив. **Слайд 5.**

Илала дудеш жявли вебклибсири, амма Амир Гъазини ил хъумх1ертур. Лех1дизирая гъари, сегъунти х1яланачил белкли илини дудешлис назму:  
(учительли бучла)

Агара дила дудеш,  
Сураталра агара...  
Ну илини ванзалис

**Уббатурси галгара. Слайд 6.**

Дудешлизивад жявли мях1румиубси гьарил дурх1яла урк1илизи ат1ести дугъби сари ишди.

**Учитель:** - Се иргъулрая ишди дугъбазиб хлушани? (дец1, дудеш агрила кьут1кьудеш).

– Сен илала дудешла сураталра агарсири? (40 –ибти дусми, дургъбала замана фотоаппаратуни камли сарри лерти).

**Учитель:** Зубанчила верх1ел дусла школа таманбарили г1ергъи, илини Сергокъалала педучилище, Москвализиб М. Горькийла уличилси Литературный институт тамандариб. **Слайд 7.**

Сай ак1убси шилизив учительли, «Ленинна байрахъ» газетализив корреспондентли узули калун. Урхъула Дергъла флотлизиб кьуллаукъбариб, г1ур «Лачин» журналла редакторли узули калун.

**Поэтла гьунила бех1бихъуд.**

**Учитель:** Амир Гъазила цаибти назмурти 1958 ибил дуслизир «Лачин» газетализир, г1ут «Гьалмагъдеш» альманахлизир дурадухъун.

Цаибси жуз «Бириз» биклуси 1966 ибил дуслизиб дурабухъун. **Слайд 8.**

**– Баладаяв се сабил бириз? (тополь)**

Илала г1ергъи поэтла гьалцад жуз дурадухъун. Делчленая, гьари, се диклутирил. «Дубуртас марти уршби», «Къисматла кьяркъдеш», «Х1яя», «Урк1илизиб дунъя», «Дигайла арцан», «Г1ямрула ч1ала», «Авклапи», Дила урхъу»,

«Даим гьунчив». (лерти чедиахъула). Илала клел прозала жузра дурадухъун «Адамли калес» ва «Чебла» диклuti. **Слайд 9**

**Учитель:** Иллини дарган мезличи М. Ю. Лермонтовла, Н. А. Некрасовла, М. Джалильла, С. Стальскийла, XI. Цадасала ва цархилти поэтунала назмурти шурдатур. **Слайд 10**

**Учитель:** Сунела назмурти урус мезличи Юрий Кузнецов биклуси поэтли имцаливан шурдалтутири. («Посох», поэма «Мать») **Слайд 11**  
Ишдани килилра Москвализис М. Горькийла уличилси Литературный институт белчунсири. А. Гъази институт белчи глергъи Мяхлячкъалализи чарухъунсири. Юрий Кузнецов «Современник» издательстволизив узусири.

**Учитель:** Амир Гъази хабарагарли, урки тлашбизурли, 2000 ибси дуслизив вебклиб. Ил убклухлели мякълар ралрикибсири Дагъиста халкъла поэтесса А. Гябдулмананов.

**Гур илини поэтлис багъишлабарис назму белкун:**

**Музабухъун хлечири**

**Къисматла къяркъдеш кахси,**

**Чуйнара сунечила**

**Хуни назму белкунси. Слайд 11.**

Сай аклубси шилизис школала Амир Гъазила у бихули саби.

**Учитель:** «Уркила макъамти» произведение белкунси саби 1982д.  
«Уркила макъамти» произведение жура хлясибли *Сонет* саби  
Сонет поэзияла произведение саби, вецну авра тугълизибад цалабикибси ва каргънила члумати къяйдурти лерси. Сонетуни кел журала сари.

Классический (италияла) ва Шекспирла (англияла). Сонетунала цаибтигъунти машгурти устни сабри 13 – 14 ибти даршдусунала италияла поэтуни Данте Алигъери ва Франческо Петрарка. **Слайд 13.**

Иш произведенилизир 16 сонет лер. Сонетуни дигайличил дархдасунти сари. Лирический геройла, илала риганайла ва тлабиглятла образун лер.

Сунела каргъни, куплетунази тугъи цаладикни, рифма,  
имц1али мешубуцуни пайдаладирни х1исабдаралли А. Гъазила  
сонетуни Шекспирла сонетуначи мешули сари.

**Учитель:** *Сунела пикрумала дунъялизив лирический герой деклар – декларти х1яланази виркули сай. Дигай дихъибси ил «г1ях1улали ясириркули» ва «къукъмусиркули» сай:*

Х1елулри нуни я царх1илтани -

Гъалаб х1ебалуси улкализиври.

Иргъусири ч1янк1ли буруси х1уни.

Урк1и, х1улби, дагъри - лерил х1езирри. **Слайд 14.**

**Учитель:** *Сунела геройла дигайла ц1акъдеш чедаахъес багъандан, поэт халкъла мух1лила пагъмуличи дугъаилзули сай:*

«Алжанала саб дунъя г1яшикъбиубтас» -

Халкъла ил г1якълула пасих1си х1екъдеш!

Г1ямру сях1бат или нушабван лебтас,

Детахъиб набзирти терседеш ва къяркъдеш. **Слайд 15**

**Учительли сонетуни делч1ни.**

Дигай дихъибси герой х1ебла т1абиг1ятван пергерлира сай,  
дуц1румван рурхъулира сай, г1ебшнивван вамкъурлира сай,  
янилизиб т1абиг1ятван шип1ирг1улира сай. Чула – ургабси  
урк1и-х1яланала дунъя» бамкъурли хъалли, лирический герой  
риганайлис ляг1натик1ули ах1ен.

**Жузличил х1янчи.**

**Учитель:** «Урк1ила макъамти» сонетуни дурх1нази делч1ахъес.

*- Херъая,гъари, х1ушала парталичи кадихъибти к1урази, ишаб  
леб сагати дугъбачил х1янчи.*

**Сагати дугъбачил х1янчи:**

**Тилмаж**-белк1 шурбалтан, переводчик.

**Псевдоним**- поэтла литературный у.

**Бириз**- тополь

**Дадац1ух1** – арцан, пустельга.

**Бугътан** – агруми чедирхъес, клевета.

**Хандакъ** – окоп

**К1инч1би** – почки на деревьях.


**Г1яржакъ** – адамтала къукья.

**Дарс кагахъни.**

**Х1яз дураберк1ни.**

-Х1ушани г1яхил аргъирал нуни дурибти , сен-сен лех1ихъули дуирал ахтардибарес багъандан ишгъуна дарсла кагахъни дурабурк1ех1е.

**Учитель:** Х1ушала партабачир леб кроссворд,ил биц1ахъес чебиркур х1ушаб.



**Детх1ел: Слайд 17**

**2.** А. Гъази ак1убси шила у. (Зубанчи).

**5.** «Сонет» ибси дев чиди мезлизибад бак1ибси? (Италия)

**6.** А. Гъазила нешла у. (Ханум)

**7.** Вец1ну авра тугълизибад цалабикибси ва каргънила ч1умати къяйдурти лерси поэзияла произведениелис се бик1ара? (сонет)

**Катх1ел:**

**1.** А. Гъази поэт, писатель ва ..... (тилмаж).

3. Илала назмуртала цаибил жузла у. (Бириз)

4. Се бик1уси журналла редакторли узули калуна А.Гъази?

(«Лачин»)

### **Рефлексия**

Дарсличиб нушани се багъурра:

- Се багъуррая х1ушани иш дарсличиб?

- Чи сая А. Гъази? Мурт ва чинав ак1убси ил?

*Дурх1нала бажарди ва багъудлуми кьиматладарни.*

*Хъули х1янчи бедни.*

А. Гъазила биография ва илала «Урк1ила макъамти» сонетуни саркъахъили делч1ес.

Учитель: Таманбарес дигулра гъанна ишбарх1ила дарс А. Гъазила назмулизибад касибти тугъачил.

Адамтани наб иру

Г1ях1си поэт сай или.

Наб къалли или диги

Ца г1ях1си адам сай или.

**Баркалла дакибти г1ях1лас ва ах1ерти дурх1нас!  
Г1ях1ли калена!**



## Сагати дугъбачил хІянчи:

Тилмаж-

Псевдоним-

Бириз-

ДадацІухІ –


Бугътан –

Хандакъ –

КІинчІби –

ГІяржакъ –

## 2.Кроссворд арзая.



ДетхІел:

2. А. Гъази акІубси шила у.

5. «Сонет» ибси дев чиди мезлизибад бакІибси?

6. А. Гъазила нешла у.

7. ВецІну авра тугълизибад цалабикибси ва каргънила чІумати къяйдурти лерси поэзияла произведениелис се бикІара?

КатхІел:

1. А. Гъази поэт, писатель ва .....

3. Илала назмуртала цаибил жузла у.

4. Се бикІуси журналла редакторли узули калуна А.Гъази?